

3-ը հոկտեմբերի, 2019թ.

Լոռու մարզպետ
Անդրեյ Ղուկասյանին

Հարգելի պարոն Ղուկասյան

Ամերիկյան խորհուրդներ կազմակերպությունն 2019թ.-ին շարունակելու է իրականացնել պետական կառավարման եւ հանրային քաղաքականության մշակման գործընթացում ընդգրկված աշխատակիցների մասնագիտական կատարելագործմանը և փոխանակմանն ուղղված (Professional Fellows Program/PFP) ծրագիրը: Այս ծրագրի մասին մենք մշտապես մարզի ղեկավարությանը տեղեկացրել ենք պաշտոնական գրությամբ: PFP ծրագիրը հնարավորություն է ընձեռում պետական կառավարման եւ հանրային քաղաքականության մշակման գործընթացում ընդգրկված մարմինների աշխատակիցներին մեկնել ԱՄՆ՝ ուսումնասիրելու ամերիկյան օրենսդրական հաստատությունների և կառույցների փորձը: ԱՄՆ այցից հետո ծրագրի՝ ԱՄՆ-ի կողմի մասնակիցները նույնպես հնարավորություն են ունենում փոխադարձ այցեր կատարելու իրենց գործընկերների երկրները:

Նամակին կից Ձեր ուշադրությանն եմ ներկայացնում PFP ծրագրի համառոտ նկարագրությունը: Երախտապարտ կլինեմ, եթե ձեր աշխատակիցները նամակին կից ներկայացված ծրագրի համառոտ նկարագրությունը եւ ծրագրի վերաբերյալ տեղեկությունները հասանելի դարձնեն Լոռու մարզպետարանի աշխատակազմին, ինչպես նաեւ մարզի օրենսդրական հաստատությունների եւ տեղական կառավարման մարմինների մասնագետներին: Խնդրում եմ, որպեսզի ծրագրի հայտարարությունը ուղարկվի նաեւ ձեր էլեկտրոնային ներքին ցանցով: Համաձայնության դեպքում կարող ենք տրամադրել հայտարարության էլեկտրոնային տարբերակը: Միրով կպատասխանենք PFP ծրագրին վերաբերող Ձեր բոլոր հարցերին:

Հետագա համագործակցության ակնկալիքով եւ հարգանքով՝



Դեյգն Վեյլընթայն

Հայաստանյան գրասենյակի տնօրեն

04 10 2019
ms-20889-13



PROFESSIONAL
FELLOWS



AMERICAN
COUNCILS
FOR INTERNATIONAL EDUCATION

PFP (Professional Fellows Program) պետական կառավարման եւ հանրային քաղաքականության մշակման գործընթացում ընդգրկված երիտասարդ մասնագետների վերապատրաստման ծրագիրը հովանավորում է ԱՄՆ-ի Պետքարտուղարության կրթական եւ մշակութային գործերի բաժինը: Հայաստանում PFP ծրագիրն իրականացնում է Միջազգային կրթության ամերիկյան խորհուրդներ (Ամերիկյան խորհուրդներ) կազմակերպությունը:

PFP-ն հնարավորություն է ընձեռում երիտասարդ մասնագետներին ծանոթանալու եւ գործնական փորձ ձեռք բերելու ԱՄՆ-ի կառավարման մարմիններում: PFP-ն ներգրավում է պետական սեկտորում եւ ՀԿ-ներում աշխատող մասնագետների, որոնք ներգրավված են օրենսդրական և հանրային քաղաքականություն մշակելու, օրենսդրություն ձևավորելու գործընթացում: PFP մասնակիցները ԱՄՆ-ի քաղաքական եւ կառավարման գործընթացների վերաբերյալ իրենց մասնագիտական հետաքրքրություններն ու գիտելիքները կկարողանան խորացնել՝ հնարավորություն ունենալով աշխատելու Միացյալ Նահանգների պետական օրենսդրական հաստատություններում, տեղական կառավարման մարմիններում, քաղաքապետարաններում, ինչպես նաեւ հանրային քաղաքականության մշակման հարցերով զբաղվող ՀԿ-ներում:

PFP-ի նպատակն է մասնակիցներին հնարավորություն տալ՝

- ավելի խորը ծանոթանալու ԱՄՆ-ի օրենսդրական եւ կառավարման գործընթացներին,
- կարելիություն քաղաքացիական հասարակության դերը եւ ներգրավվածությունը քաղաքական գործընթացներին,
- ստեղծելու գործընկերական կապեր ԱՄՆ-ի եւ Հայաստանի հաստատությունների միջեւ,
- միասնական ուղիներ փնտրելու եւ գործնական լուծումներ մշակելու ընդհանուր մտահոգություններն ու մասնագիտական խնդիրները հաղթահարելու համար:

PFP ծրագրի յուրաքանչյուր մասնակից հինգից-վեցշաբաթյա վերապատրաստում կանցնի ԱՄՆ-ում: Ծրագրի նախնական ժամանակացույցի համաձայն 2020թ. գարնան ծրագրի մասնակիցներն ԱՄՆ-ում կլինեն ապրիլի 20-ից մինչեւ մայիսի 29-ը: PFP ծրագիրը տրամադրում է ճանապարհածախս, վիզայի վճար, առողջության ապահովագրում եւ կրթաթոշակ: Բնակարանը եւ սնունդը տրամադրում են նախապես ընտրված հյուրընկալող ընտանիքները:

Ծրագրին մասնակցելու համար դիմորդները պետք է՝

- լինեն Հայաստանի Հանրապետության քաղաքացի եւ բնակիչ
- ունենան առնվազն բակալավրի կրթություն
- դիմելու պահին լինեն 25-ից 35 տարեկան
- ցուցաբերեն առաջնորդելու եւ համագործակցելու հմտություններ
- ունենան առնվազն երկու տարվա համապատասխան աշխատանքային փորձ եւ մտադրություն աշխատանքը շարունակելու իրենց երկրի պետական եւ հանրային սեկտորում
- տիրապետեն անգլերենին:

PFP ծրագրի մասնակիցներն ընտրվում են մրցույթային կարգով:

Ծրագրին մասնակցելու համար դիմորդները պետք է մինչև 2019թ. նոյեմբերի 1-ը ներկայացնեն առցանց դիմում՝ <https://ais.americancouncils.org/pfp>

Ծրագրին դիմելու գործընթացի եւ մրցույթի անցկացման մասին մանրամասն տեղեկություններ կարելի է ստանալ ծրագրի կայքից <http://professionalfellows.americancouncils.org/> կամ Ամերիկյան խորհուրդների հայաստանյան գրասենյակից: